

新纂雲南通志卷一百五十一目錄

財政考二

歲入二

徭役

地丁合一

科則

新纂雲南通志卷一百五十一

財政考二

歲入二

徭役

雲南在南詔時於農無貴賤皆耕不徭役唐書元大德十一年五月甲申皇帝即位於上都大赦天下雲南蠲儒戶差役元史武宗本紀至治二年十一月流民復業者免差稅至正二年十一月詔免雲南明年差稅二十六年春詔天下以比者逆臣孛羅帖木兒秃堅帖木兒老的沙等干紀亂倫內外之民經值軍馬致使困乏與免一切雜派差徭案元季差役里正與宋制同中統四年除正軍外其餘戶與民一體當差五年設立馬步弓手驗民戶多寡立定額數至元七年詔設社長凡縣邑所屬村疇五十家立一社擇高年曉農事者為之長增至百家者別設長一員不及五十家者與近村合為一社地遠人稀不能相合各自立社耆聽社長以時勸課農桑懲其不率教者是年冬詔以民當站役十戶為率官給一馬死則買補之英宗至治三年命各處急遞舖每十舖設一郵長每舖置舖丁各五人焉

新纂雲南通志

卷一百五十一 財政考二 歲入二

一

明代徭外之役則有土軍賦外之征則有銀課勞已極而役不休人

已貧而斂愈急此則中州所無而雲南獨苦者考明季雲南民役有一均徭一各州縣丁糧不論多寡皆分十段每年審編一段其

有五年一徭者亦分為五段每年審編一段此在州縣官變民真切自知其妙一里甲一各州縣丁糧不論多寡皆分十段每年將台用銀數計算明白方將一段丁糧之數與合用銀兩打量每丁石應出銀若干榜示曉諭征收存庫官吏支銷一站役一永充困憊之極總司呈准征銀事宜刻碑立法官民兩便其有官吏故違者許站戶赴告一土軍一名雖屬衛戶在州縣初因操期不定為衛所官旗百端科害本司呈准每年同漢軍操三個月以十一月十五日為始至二月十五日歸農民乃息肩一哨兵一弓兵一舖兵一三役有

永充者徭編者各照常規 李志 正統四年令雲南土馬軍自備鞍馬兵器糧食者聽征者

免本戶差役三年正統十二年令雲南土官四品以上優免一十六

丁五品六品一十二丁七品十丁八品九品八丁雜職六丁其餘人

丁俱另立籍與民一體當差明會典清沿明制用萬曆舊冊襲一條鞭之

額繼創地丁制度攤丁入地視條鞭之法愈益簡明而差役終難盡

廢中國文化史叢書

清順治間定各省戶口徭銀雲南布政使徭銀二萬一千五百九十

四兩一錢八分

古今圖書集成

丁銀二十萬九千五百八十二兩有奇

清通典 康熙

五十二年遵恩詔嗣後征收人丁錢糧但據五十年丁册定為常額

續生人丁永不加賦

原額民丁一十四萬一千六百四十四丁內上丁二萬四千八百八十三丁該銀七千二百四十九兩九錢一分中丁一萬九千二百三十八丁該銀四萬五千二百二十八兩四錢三分下丁二萬三千一百一十五丁該銀三萬八千八百七十三兩六錢五分

下丁四萬九千九百九十九丁內上丁一千二百二十八丁該銀一萬二千五百五十九兩四錢二分中丁一萬二千二百五十九兩四錢三分下丁二萬三千一百一十五丁該銀三萬八千八百七十三兩六錢五分

每丁編銀五分該銀三兩一錢七分又下丁一百九十九丁每丁編銀一錢該銀四兩七錢二分下丁二丁每丁編銀八分該銀一兩六錢二分

每丁編銀五分該銀三兩一錢七分又下丁一百九十九丁每丁編銀一錢該銀四兩七錢二分下丁二丁每丁編銀八分該銀一兩六錢二分

每丁編銀五分該銀三兩一錢七分又下丁一百九十九丁每丁編銀一錢該銀四兩七錢二分下丁二丁每丁編銀八分該銀一兩六錢二分

每丁編銀五分該銀三兩一錢七分又下丁一百九十九丁每丁編銀一錢該銀四兩七錢二分下丁二丁每丁編銀八分該銀一兩六錢二分

每丁編銀五分該銀三兩一錢七分又下丁一百九十九丁每丁編銀一錢該銀四兩七錢二分下丁二丁每丁編銀八分該銀一兩六錢二分

每丁編銀五分該銀三兩一錢七分又下丁一百九十九丁每丁編銀一錢該銀四兩七錢二分下丁二丁每丁編銀八分該銀一兩六錢二分

每丁編銀五分該銀三兩一錢七分又下丁一百九十九丁每丁編銀一錢該銀四兩七錢二分下丁二丁每丁編銀八分該銀一兩六錢二分

新纂雲南通志

卷一百五十一 財政考二 歲入二

一一

五兩一錢四分三釐奉文豁免又鐵索營屯種土軍丁一百五十一丁該銀四十九兩八分內除自首田地科徵條補銀二兩四錢

另於田糧項下徵收外該銀四十六兩六錢八分奉文豁免又土軍丁八百五十五丁每丁納差操銀五錢該銀四百二十七兩五錢內

除自首田地科徵條補銀一百四十五兩七錢五分五釐另於田糧項下徵收外該銀二百八十一兩七錢四分五釐奉文豁免又

麗江府夷丁二千三百四十四丁每丁編銀六分六釐該銀一百五十四兩七錢四分四釐奉文豁免 總督高其倬請免白土軍丁銀疏瀆

省丁銀額重小民苦於輸將前臣等疏題請經部議准將民丁丁銀攤入地糧完納并查無主影射田土寥寥無幾以之攤抵軍丁尙屬

即微行布政司清查在案茲據署理雲南布政司印務按察使江芑詳稱滇省山多田少無主影射田土寥寥無幾以之攤抵軍丁尙屬

不敷更有太和縣白土軍丁一項係前明萬曆年間因雲川州鐵索營夷人作亂暫令雲川州趙州雲南縣太和縣四處民人撥防大理

府城池遂立太和所名色至我朝順治十六年已將雲川州趙州雲南縣三處土軍俱准復歸民籍惟太和縣土軍二百五十二丁又鄧

州州土軍二十六丁浪穹縣土軍二十五丁每丁派銀一兩報入徵冊嵩明州土軍一百二十一丁因嘉靖年間安會作亂挑撥州民協

幫尋甸守城名為鳳梧所編出土軍一百二十一丁每丁納銀一兩俱係州民並非承種軍田之丁再查鶴慶府土軍一百零八丁亦因

鐵鎖營夷人作亂將太和縣民撥守鶴慶禦又分防劍川浪穹隨編為鶴慶土軍伊等在劍川浪穹開挖久荒田地納糧編丁銀官復科

使費一百零八兩裁銀歸府竟將一百零八兩之私派編作人丁一百零八丁每丁納銀一兩載入正賦是伊等已納錢糧丁差復納此

額外土軍之丁銀重累難堪至騰越州土軍丁三百七十三丁上納丁銀三百七十三兩其立名受累情由與鶴慶土軍事同一例以上

於屯軍且軍民各有一差獨此軍既當民軍又當軍差是役之重又加倍於軍民詳請題豁臣覆查無異伏思滇省六屬之白土軍丁銀

九百餘兩以明末之流弊重役累民臣何敢垂於上聞所當題請豁免伏乞皇上睿鑒施行 光緒志

雍正七年諭雲南元江普洱兩府保夷蠢動夫役頻煩之後恐小民

輸將力有不逮著將元普兩府雍正十一年分額征條銀并公件銀

悉數蠲免 清會典 是年六月又諭朕愛養黎元遐邇一體而邊遠之地

小民家計不及近省尤朕心之所繫念數年以來甘肅四川雲南貴州廣西五省有用兵西藏及剿撫苗蠻等事其一應軍需皆動用公帑備辦秋毫不派及於民間而糧餉輸轉亦有資於民力今藏地苗疆俱已寧謐朕心嘉慰特加恩膏將庚戌年雲南額征地丁銀一十四萬一千六百兩零悉行蠲免督撫大吏宜仰體朕心轉所屬有司敬謹奉行務使閭閻均沾實惠如有奉行不力被不肖有司暗飽私囊或被奸胥土棍強紳劣衿包攬侵蝕者朕若訪聞必將通省大小官員分別從重治罪至於國家設官本以理民官有恤下之責民有奉上之義若設官不爲計及養廉之資則有司之賢者將窘迫而莫能支不肖者又將橫取而無所檢束矣是以酌定以錢糧耗羨均給各官爲養廉之資此揆情度理上下相安之道但思加恩百姓豁免

正賦若將耗羨一併蠲除是民雖邀額外之恩而官員轉有拮据之苦上司或因此稍有寬假則必致巧取苛索於民流弊種種多於耗羨之數於吏治民生均無裨益常見庸劣之地方官每以蠲免錢糧爲不便於己心懷悵快即此意也著於庚戌年爲始凡遇特恩蠲免錢糧者其耗羨仍舊輸納諒必民所樂從若因水旱蠲免者不得征收耗羨將此永著爲例

光緒志

十三年八月諭數年以來雲南地方屢有

用兵籌餉之事民力挽輸未免勞頓朕心深爲軫念今聞元江普思等處軍務告竣用是特沛恩膏將本年通省地丁錢糧全行蠲免俾滇民均沾實惠若諭旨到日已有征在官者准抵明年應納之正賦著該督撫藩司董率州縣官員敬謹奉行勿使胥吏土棍人等侵蝕中飽以副朕加惠滇民之至意

清會典事例

乾隆三十二年諭近因緬匪

滋擾現在豫籌進勦糧運轉輸不無稍資民力從前平定準夷回部時陝甘各省俱節次緩征蠲賦今滇省軍務方殷宜特沛殊恩以示體恤所有該省應征地丁錢糧其大兵經過之地及永昌騰越普洱三府州著全行蠲免其非經過地方亦著蠲十分之五上同嘉慶五年諭滇南經過兵差之威遠景東二廳額征屯耗等銀全行蠲免思茅廳寧洱縣順寧府順寧縣雲州等五屬額征條丁公耗等銀蠲免十分之五各該處官莊學租蠲十分之三其景東廳順寧府順寧縣雲州四屬帶征嘉慶三年公耗銀兩著緩至本年冬季帶征上同二十三年六月二十二日諭伯麟等奏滇省被擾地方及辦理兵差各州縣懇恩分別蠲免錢糧一摺臨安江外夷匪高老五等於本年二月糾衆滋事沿江內外漢夷民人有誤春耕嗣大兵過境民間支應夫馬亦不無曠廢農功著加恩將被擾之臨安府建水縣阿迷州蒙自縣嘉慶二十三年額征條丁公耗銀兩稅秋本折米石全行蠲免其差役較重之石屏元江文山通海河西翥我寧州昆明呈貢晉寧河陽江川十二州縣本年額征條丁公耗銀兩減免十分之五夫役稍簡之宣威霑益南寧陸涼師宗廣西彌勒太和趙州雲南姚州鎮南楚雄廣通祿豐安寧恩安東川尋甸嵩明寶寧武定富民寧洱他郎新平新興邱北二十八廳州縣並貴州威寧州額征本年條丁公耗銀兩減免十分之三又臨安府未完二十二年秋米一百一十三石零建水縣未完條公銀五百八十兩零秋米三百七十三石零并帶征二十一年條公銀六百六十六兩零秋米三百二十二石零蒙自未完二十二年條公米折銀五百八十八兩零均著一併蠲免以

舒民力該部知道欽此

光緒

道光五年諭史致光等奏辦理軍務各

屬上年未完錢糧請分別蠲免一摺本年滇省永北大姚一帶夷匪滋事該廳縣及鄰近各屬派練防守雇備夫馬挽運軍糧并派調各營官兵配帶軍火器械經過地方一切夫馬在在皆資民力現值奏銷之期若將上年未完錢糧照例催追民力未免拮据茲據該督等查明奏請分別蠲免著加恩將永北大姚二廳縣嘉慶二十五年額征軍公耗羨銀兩稅秋本折米石全行蠲免差役較重之武定元謀祿勅太和雲南趙州雲龍浪穹賓川鄧川楚雄姚州定遠南安鎮南廣通麗江鶴慶維西蒙化富民羅次昆明安寧祿豐等二十五廳州縣經征嘉慶二十五年條公耗羨銀兩減免十分之五差役較簡之呈貢昆陽嵩明宜良晉寧霑益馬龍陸涼宣威尋甸南寧通海嘗我

建水河陽路南新興江川廣西彌勒師宗恩安永善魯甸大關東川巧家劍川中甸景東順寧雲州猛緬新平等三十四廳州縣經征嘉慶二十五年條公耗羨銀兩減免十分之三其各屬中有已經完解到官及已經轉解到司溢於所減之數者得准其抵作本年應完之項至永北廳經管得寶坪銅廠本年正月至五月未經辦獲額銅并著免其辦補上同 光緒八年奉上諭岑毓英等奏雲南夫馬積弊既深自應裁革惟所擬提款給價務當悉心妥籌俾日久免滋流弊上同 案徭役原不合隸財政惟力役之征僅明以前為然清代戶口徭銀及人丁錢糧均係折征錢幣故仍列之歲入云

### 地丁合一

自古賦出於地役出於丁明初編審稅糧則以地為經以丁為緯編

審民力差徭則以丁爲經以地爲緯但銀差力差有數雜汎差無數中葉以降官吏得以上下其手里長率至破家隆慶中江西巡撫奏行一條鞭法合算銀差力差雜汎差之數併入田畝折征頭緒不紛征輸兩便此條鞭所由始也萬曆初江陵當國知天下差役之苦非獨江西爲然遂通行於天下

中國文化叢書田賦史

按明史食貨志謂明併賦役爲一不如前史分賦與役爲二事實有不得已之苦可知賦役之合出於田亦當日時勢使然也

清初制度沿用萬曆舊冊襲一條鞭之額而實則役從田辦丁糧自丁糧田糧自田糧然因田起役仍不能廢分丁糧與力役爲兩事亦明季之遺也康熙初立編審法定爲五年一舉丁增而賦亦隨之自康熙五十年定制滋生人丁永不加賦其後遂將丁賦攤入地稅名

新纂雲南通志

卷一百五十一 財政考二 歲入二

六

曰地丁至五十五年廣東丁銀就各地畝攤征雍正元年直隸行之二年福建行之山東行之四年河南甘肅雲南四川之一部行之

康熙志

正二年間巡撫楊名時即奏准民丁額銀攤入通省地糧上納至是年始實行之也

五年江南江西安徽行之六年湖南廣西行

之七年湖北行之乾隆元年山西之一部行之四十二年貴州行之光緒八年吉林知府李金鑄請攤丁於地以甦民困是清季至光緒間尙有攤丁入地之事而山西廣西貴州奉天等省亦尙有數處地丁分征者丁田合併制度固雖始於康熙間而奉行實有先後也

中國文庫

叢書田賦史

按中國文化叢書田賦史又謂在明季條鞭編以前役厝隨田而辦條鞭成後役已一統於丁銀及其弊也而丁銀之外復有力役而使丁銀與力役分離突然明世之丁銀原有十年一編審之例

則其數字爲活動的以其數字之活動則在條鞭制下雖併入田畝折征而與穩定之田賦數字總覺格格難入及清世則已定一丁銀之總額矣丁銀既不活動則自可舉而攤之於地也由此論之一條鞭亦攤丁入地其丁糧有變動地丁合一制則始以固定之丁糧攤之於地糧至於丁糧本爲力役丁入地而力役不廢則後來之弊兩者相同故雍乾之時有挑濬運河歲夫之類固未嘗謂丁銀業已攤入田畝小民即不必赴公應役眞確論也

至乾隆三十七年五月諭令丁糧既皆攤入地畝而滋生人口又欽遵聖祖恩旨永不加賦則五年編審不過沿襲虛文嗣後編審之例著永行停止自是丁口無冊而地丁永爲清季唯一之田賦矣

中國文化叢書田賦

史

### 科則

雲南地丁之科則遠溯南詔於農無貴賤皆耕人歲輸米二斗一藝者給田二收乃稅是爲科則之始元季有丁稅有地稅丁稅則自太宗八年始定科徵之法令諸路驗民戶成丁之數每丁歲科粟一石驅丁五升新戶丁驅各半之老幼不與其間有耕種者或驗其牛具之數或驗其土地之等徵焉地稅中田每畝二升有半上田三升下田二升水田每畝五升丁稅少而地稅多者納地稅地稅少而丁稅多者納丁稅工匠僧道驗地官吏商賈驗丁世祖至元十七年重定諸科徵例全科戶丁稅每丁粟三石驅丁一石地稅每畝粟三升減半科戶丁稅每丁粟一石新收交參戶第一年五斗第二年一石第三年一石二斗五升第四年一石五斗第五年一石七斗五升第六

年入丁稅協濟戶丁稅每丁粟一石地稅每畝粟三升隨路近倉輸粟遠倉每粟一石折納經賣鈔二兩富戶輸遠倉下戶輸近倉每石帶納鼠耗三升分例四升科差其名有二曰絲科曰包銀各驗其戶之上下而科焉絲科之法太宗八年始行之每二夫出絲一斤並隨路絲線顏色輸於官五戶出絲一斤並隨路絲線顏色輸於本位包銀之法憲宗五年始定之初漢民科納包銀六兩至是始征四兩二兩輸銀二兩折取絲絹顏色等物迨及世祖而其制益詳中統元年立十路宣撫司定賦籍科差條例然其賦大抵不一有原管戶有交參戶漏籍戶協濟戶於諸戶之中又有絲銀全科戶減半科戶止納絲戶止納鈔戶外又有攤絲戶儲也速解兒所管納絲戶復業戶並漸成丁戶戶既不等數亦不同然絲科包銀之外又有俸鈔之科其

法亦以戶之高下爲等於是以前科之數作大門攤分爲三限輸納被災之地聽輸他物折焉其物各以時估爲則凡儒士及軍站僧道等戶皆不與經界紀要泊明太祖爲吳王賦稅十取一役法計田出夫縣分上中下三等以賦十萬六萬三萬石下爲差府三等以賦二十萬石上下十萬石下爲差即位之初定賦役法一以黃冊爲準册有丁有田丁有役田有租租曰夏稅曰秋糧凡二等丁曰成丁曰未成丁凡二等經界紀要初太祖定天下官民田賦凡官田畝稅五升三合民田減二升重租田八升五合五勺沒官田一斗二升明史食貨志兩稅之制仍沿唐法惟洪武弘治本色折色名目有不同至萬曆時小有所增損大略以米麥爲主而絲絹與鈔次之夏稅之米惟江西湖廣廣東廣西麥菽惟貴州農桑絲絹徧天下惟不及川廣雲貴餘各視其地產太祖

初立國卽下令凡民田五畝至十畝者栽桑麻木棉各半畝十畝以上倍之麻畝徵八兩木棉畝四兩栽桑以四年起科不種桑出絹一疋不種麻及木棉出麻布棉布各一疋此農桑絲絹所由起也又洪武九年令天下稅糧以銀鈔錢絹代輸銀一兩錢千文鈔十貫皆折輸米一石小麥則減值十之二棉苧一疋折米六斗麥七斗麻布一疋折米四斗麥五斗絲絹等各以輕重爲損益願入粟者聽十七年雲南以金銀貝布丹砂水銀代秋租於是謂米麥爲本色而諸折納稅糧者謂之折色一條鞭法嘉靖數行數止至萬曆九年乃盡行之其法總括一州縣之賦役量地計丁丁糧畢輸於官官爲僉募力差則計其工食之費量爲增減銀差則計其交納之費加以增耗凡額辦派辦京庫歲需與存留供億諸費以及土貢方物悉併爲一條皆

計畝徵銀折辦於官故謂之一條鞭立法頗爲簡便萬曆十六年以與清朝用兵驟增遼餉三百萬援征倭例畝加三釐五毫明年復加三釐五毫又明年以兵工二部請復加二釐通前後九釐增賦五百二十萬遂爲歲額所不加者畿內八府及貴州而已崇禎三年於九釐外畝復徵三釐八年概征每兩一錢名曰助餉十年復行均輸法因舊額之糧量爲加派畝輸糧六合石折銀八錢又畝加徵一分四釐九毫是謂勑餉十二年又畝加練餉銀一分役法定於洪武元年田一頃出丁夫一名不及頃者以他田定之名曰均工夫每歲農隙赴京供役三十日遣歸田多丁少者以佃人充夫而由主出米一石資其用非佃人而計畝出夫者畝資米二升五合迨造黃冊成以一百十戶爲一里里分十甲曰里甲以上中下三戶爲等五歲均佃十

歲一更造一歲中諸色雜目應役者編次第均之銀力從所便曰均徭他雜役曰雜泛凡祇應禁子弓兵悉僉市民毋役糧戶額外科一錢役一夫者罪流徒經界紀要

按元明兩代丁田制度極為苛細雖非按省規定雲南自亦一律辦理故備錄如上

清初雲南民賦田每畝科銀五釐五毫至四分六釐五毫零不等糧一升九合四勺至一斗五升零不等歸併衛所屯地每畝科糧五升九合二勺至八升一合八勺零不等馬場地每畝科銀三分夷地每畝科糧一升清文獻通考今馬場中地每畝科銀三分下地每畝二分清會典事例

雲南各府州縣條丁每兩收耗二錢公件銀兩不加耗銀額徵稅秋糧米每石收耗三升上同順治八年更定職田納糧每畝一斗九升至

三斗者照軍糧例概以三斗為額清文獻通考雲南民丁每丁銀科八分至二錢五分六釐七毫不等站丁每丁科銀五分至一錢六分四釐二毫不等土軍丁每丁科銀八分至五錢五分不等魚戶每丁科銀八分至二錢五分不等軍丁每丁科銀二錢八分至一兩不等廢弁每丁科銀二錢八分至六錢二分不等上同康熙元年編衛所職田每畝三斗照軍糧起科并編衛所軍舍丁差雍正志二十年雲南上則地每畝科糧一斗七升九合三勺零中則地每畝科糧八升九合三勺零下則地每畝科糧五升七合八勺零內征本色夏稅麥秋糧米又麥米折色銀不等上則田每畝科糧二升九合四勺零中則田每畝科糧二升五合四勺零下則田每畝科糧一升七合四勺零內征本色夏稅麥秋糧米又麥米折色銀不等收弁屯田地每畝一例科糧九升

四合三勺零內征本折不等清會典二十四年雲南清浪衛業經清丈田

地每十畝科糧一石清文獻通考二十九年定雲南墾荒地納糧之例雲南

老荒地見納軍糧之人承墾者上中二則照民田下則納過五年

再照民田上中二則起科下則照民田下則減半納過三年再照民

田下則起科其非見納軍糧之人悉照民田下則納過五年糧加十

分之五起科巡撫王繼文籌請屯荒減則貼墾疏云看得滇省每年

額糧通共米麥等項三十六萬餘石而屯糧實居其半歷年供撥兵

糈關係甚鉅但屯田一畝之科幾納民田十倍之征是以拖欠逃荒

年復一年臣自再蒞茲土以來訪求民隱圖布聖澤惟此屯田一項

最爲滇民苦累近蒙皇上沛無疆之德將康熙二十一年起至二十

八年止屯賦參欠錢糧盡行蠲免一時老幼咸懷再生從前重困始

得暫釋但額賦豈容再寬輸將已無遺力臣再四籌維有老荒重額  
田賦一項小民終年畏棄已成廢土若使減則貼墾尙可藉補虧懸  
行據布政使于三賢署糧儲道事永昌道參議畢忠吉議將前項老  
荒田地凡係連年見納軍糧之人承墾者將屯田地之上中二則六  
年後悉改爲民田地之下則起科屯田地之下則十年後改爲民田  
地之下則起科以補賠累之苦其不係見納軍糧之人承墾者六年  
後將屯田地之上中下則悉改爲民田地之上中下則起科仍令地  
方官量借牛種及出陳米石務使力耕有成至於民間荒廢田地其  
上中二則做照豫省六年後係中則者照下則納過三年再歸中則  
係上則者照下則納過五年再歸上則之例起科其下則田地請於  
六年後減半三年再照本則起科並承墾後改爲已業用備貼墾事

宜臣伏見皇上愛民至德有加無已凡重農廣粟之例莫不一舉  
行必使四海無不獲之夫九宇有蓋藏之富今滇省土地本屬磽薄  
屯民猶困追呼若以拋荒不墾之田補其重額難支之累及民荒田  
地一概極力勸墾不但正額可以充實新賦亦可稍增矣上同三十四

年諭雲南屯田錢糧較民田額重數倍人民苦累嗣後屯田賦額照

河陽縣民田上則征收一巡撫石文晟請減屯糧疏一為密陳屯糧之重仰祈睿裁以廣皇仁事竊滇省屯政

租養三分差操軍此即古之寓兵於農原非上倉糶米可比迨我朝定鼎順治十五年關滇吳三桂遂將昔日之租改為額征之賦及後  
變亂之時向恤民艱任意坐派使各軍紛紛逃散因而遺累存下典贖賠納苦難殫述幸賴皇上天威殄逆民得以安但浮糧過重仍困  
輸將計恢復之後自康熙二十一年至二十七年屯糧米穀等項歷年拖欠非軍戶敢於頑抗亦非各官不善催科總因糧額太重血比  
難完業於康熙二十八年內經前督臣范承勳署巡撫時特疏題請分年帶征隨蒙皇恩特頒上諭蠲免欽遵在案則彼時題請帶征早  
蒙皇上睿鑒中矣况各衛所久經裁歸有司是在前日猶存軍戶之名在今日則無軍民之別一切徭役自應一視同仁乃查通省民賦  
上則田糧最重者莫如河陽縣每畝八升一合八勺三抄其餘五六升以至四五合而止上則地稅最重者亦莫如河陽縣每畝五升九  
合二勺一抄其餘三四升以至三四合而止及查屯田每畝則有七斗二升六斗八升五斗六升四斗五升六升不等屯地每畝亦有五  
斗八升至一斗五六升不等夫軍民田地阡陌相連肥磽相若天時人事耕鑿播種亦無不同何至輕之屯額比至重之民賦尚有四五  
倍之數若較輕額則屯賦之與民賦竟有十倍之重所以屯軍終歲勤動所收之穀不足贍贖父母妻子惟事納糧而究竟不能以一畝  
之出全完一畝之額數康熙二十八年臣叔石琳撫滇時曾於奉旨編輯全書案內將此屯糧重困敘入瀝陳未經部覆而以後督撫臣

新纂雲南通志

卷一百五十一 財政考二 歲入二

未敢復請者蓋以國用浩繁豈容遽議輕徭况各省屯糧皆重尤不便獨為請減是以前撫臣王繼文不得已於康熙二十九年有屯荒  
減則貼墾之請也但浙江等省屯軍現今領運且有船隻行月漕漕等項給贍滇省屯軍則無此項贍養兼之衛所既裁軍即是民則與  
別省迥異况此軍係沐氏帶來官兵並非發遣有罪之軍所納正供似應與民一體矜恤臣於康熙二十二年守開化時早已深悉今撫  
茲士見煙寇相連林林總總生聚實繁大非昔日氣象此雖邇年以來前督撫臣撫綏之功實沐皇上柔遠洪恩所致惟此一項因吳逆  
作亂時各軍多半逃竄遺逆之後前此逃丁或遭兵火或繼他鄉問未回里以致遺糧賠累本以最重之糧又復包賠逃戶日復一日重  
復更重故於康熙二十八年以來歲歲不清每遇奏期各官俱愛功名竭蹶借墊者有之以欠捏完者有之遇一陞遷事故便束手無策  
百姓計哀求逢人募助洵不可悉數也臣自入境以來目睹荒蕪田地甚多百姓甚眾及抵任後披閱各屬詳驗報舉無幾隨行飭催旋據  
數其是不伴苦樂之形異常各別若不據實上達負百姓即負我皇上矣况滇省僻處遐荒係外域觀瞻之地不得不冒昧陳請如荷聖  
鑒將此屯糧悉照河陽縣則例起科則不特現在軍餘易於輸納即未墾荒產臣自鼓勵各地方官加意勸墾亦無有不踴躍樂墾者也  
仍將墾過數目隨具報按年科征是誠賦於今日安知不增賦於將來也理合恭疏題請

咸同軍興後改衛歸里所有屯田屯地統按

民田民地錢糧額均攤歸併上則田每畝徵糧四升五合中則田每

畝徵糧四升下則田每畝徵糧三升四合上則地每畝徵糧二升四

合中則地每畝徵糧二升下則地每畝徵糧一升六合

雲南清理財政局調查  
全省財政說明書初稿

滇省正賦只有條丁一項又名條編無論田地按每糧一升徵條編等銀一

分二釐五毫又耗羨內分奏平一項向係按條徵收每條一兩徵銀

一錢滇省各屬間有條丁照徵奏平獨缺之州縣相沿成例司署無案可稽公耗一項內有公件火耗糧耗之分公件係按糧攤徵數目多寡不一火耗係按條徵收每條一兩徵銀七分糧耗係按糧一石徵銀八分又雜賦內分積穀一項自光緒十年通飭每糧一斗捐穀五升十六年改爲按納糧一升捐積穀錢二文米折蕎折條公等項以銀一分作糧一升照捐其銀糧并納之田只計糧不計銀至宣統元年停止抽收藉穀一項無則例只年額徵京斗穀麥稗六百五十四石隨糧夫馬津貼一項向係禁革自光緒十一年起按征收秋米一升隨抽夫馬津貼錢三文米折蕎折條公等項以銀一兩作米一石核算其有銀米并納之田只按米抽收不再計銀隨糧團費一項自光緒二十六年起援照抽收夫馬成案另加收錢三文照章分別

易銀批解團練處作推廣團營經費隨糧鐵路股本一項自光緒三十三年起照積穀成案每糧一升加收錢二文征銀之屬即按每銀一分收錢二文此外不准格外浮收絲毫雜費三十四年改爲隨糧認股每納糧一石認股銀五兩納糧一斗認股銀五錢納糧一升認股銀五分原定每升抽錢二文即以是年停止額外攤丁一項此款起徵之由及定名均無案可稽只於光緒二十七年據尋甸州牧王樹槐查報清出攤丁一款年額徵銀二百三兩飭解在案以上三項是爲地丁至稅秋米則有正賦耗數二項正賦又分米折一項係各府廳州縣征收秋糧或征實米或折征銀都無一定統稱曰米折光緒元年會計兵糧不敷案飭各屬向征實米者如兵少米多改征折銀向征折銀者如米少兵多改征實米二十九年奏准各屬征收米

折除兵米外悉照章每石折銀一兩征解永折一項即向例永征折色之秋糧也承平時米穀蕎麥青稞雜糧沿襲名目分款條迨軍興後案卷燬失無存又多係改征折色其詳已不可考惟照定章每米一石折征銀一兩又惟祿豐易門羅次江川四縣及五營州判有之其大理順寧鎮邊緬寧四府廳則有土司永折蕎折一項惟昭通府屬之大關魯甸恩安三廳縣有之承平時原係征蕎嗣經詳定每石折銀七錢三分征解耗羨又分款費一項係舊有之款無論征收米石或折征銀兩每石隨征款費銀三分以糧之多寡爲定坐平一項本係舊有名目自光緒十二年起按每銀一兩隨征坐平銀三分運腳一項全省惟安寧晉寧呈貢昆陽嵩明宜良富民新興等八州縣有之光緒十四年奏准將該八州縣每年應征米石概行折銀照章

每石折銀一兩內除距省最近之呈貢一縣每石隨征銀五分其餘七州縣每石隨征銀一錢六分二釐五毫作爲運腳又租課分官租一項即係文武官莊租者其中有規例租息實餘米穀豆折征並停止歲修等名目各屬征收數目多寡不一學租一項則有藩司衙門收入計順寧府景東廳義田學租五華書院租折兩款學司衙門收入計租折租米田地租房舖租四款雜租一項則有財政公所收入警務公所收入昆明縣收入等雜課一項爲數無多原列入商牲稅課內奏銷後仍提出照例征解土司租折一項係蒙化景東賓川會澤四廳州縣年額各土司租折共銀二千七百四十五兩九分四釐嗣景東會澤二廳縣以兵燹後土民死亡流離土職廢襲無法征收蒙化廳亦以田地遺失歷查未獲不能照成征收後僅賓川州征解

銀三兩五錢六分四釐

按康熙即位初諭戶部前因世祖章皇帝山陵大工及滇閩用兵錢糧不足不得已於直隸各省田畝照明末時練餉例每畝暫加一分以濟軍需云云又康熙十一年閏七月戶部議准順治十六年出征雲南時平西王並經略巡撫等會議因糧米不敷以四斛作一石征收今地方已定此項加征米麥應於康熙十二年爲始除免從之可知清季於正賦之外仍有加派之事實也

地350  
42  
部285

第八十五册  
卷一百五十二  
财政考三

新纂雲南通志

盧漢題  
簽

